



Osterhaas

Osterhaas so chumm doch bald

Jetzt sitz ich scho en Ewigkeit
Under em Baum im Garte
Osterhaas so chumm doch bald
Lass mi nümm länger warte

Ich würd di so gern einisch gseh
Bisch du so en Schüüche?
Glaub mir doch ich mach dir nüüt
Muesch di nümm verchrüüche!



De Osterhaas goht langsam

De Osterhaas goht langsam
Mit sim schwere Chratte
Hie und do versteckt er sich
Hinder em Busch im Schatte

Denn spitzt er sini Ohre
Er kennt die grossi Gfah
De hinderlichtig Fuchs
Luured Johr für Jahr

Doch de Haas schafft's immer
Dem schlaue Fuchs z'entwiiche
Und schliesslich bis i d'Hüser
Und i alli Gärte z'schliche

Det verteilt er d'Eier
Und feini Süssigkeite
Um de Chind am Ostertag
En chliini Freud z'bereite

